

聖賢問答

下

□ 9
3826
2 上



9
3826
2



聖賢問答下

卷之九

水去五味均平藏



浪華

上月修睦

選

東都淺草車荒川清亮校

宰相

古曰宰相國之柱也不可強也

古曰宰相者上佐天子理陰陽順四時下

育萬物之宜外鎮撫四夷諸侯內親附百

姓使卿大夫各得任其職焉

古曰天下之安危在出令存亡在所任

聖賢問答

卷之九



昔太公望周公旦受封而相見太公望問
周公曰何以治魯周公曰尊尊親親太公
曰魯從此弱矣周公問太公曰何以治齊
太公曰舉賢而上功周公曰後世必有劫
殺之君其後齊日以大至於霸二十四世
而田氏代之魯日以削至三十二世而亡
古諺曰前事之不忘後事之師也事不師
古而能長之者非所聞也
三畧曰釋近謀遠者勞而無功釋遠謀近

者佚而有終佚政多忠臣勞政多怨民
詩曰國正天心順官清民自安妻賢夫禍
少子孝父心寬
古曰萬乘之主不制於人臣十乘之家不
制於衆人匹夫徒步之士不制於妻妾
古曰治國者譬若乎張琴然太絃急則小
絃絕矣
諸葛孔明曰治世以大德不以小惠得春
秋之旨矣

詩曰不識不知順帝之則文王之謂也
 鄴郤問於賈季曰趙衰趙盾孰賢對曰趙
 衰冬日之日也趙盾夏日之日也
 孔子曰董狐古之良史也書法不隱趙宣
 子古之良大夫也為法受惡備公棄大
 大史公曰夏之政忠忠之敝小人以野故
 殷人承之以以敬敬之敝小人以畏故周人
 承之以以文文之敝小人以僂故救僂莫若
 忠三王之道若循環終而復始

古曰安民可與行義而危民易與為非也
 ○古曰世衰道微暴行交作徇于貨寶賄
 賂公行
 古曰滅六國者六國也非秦也族秦者秦
 也非天下也
 古曰凡民所以為姦邪竊盜靡法妄行者
 生於不足不足生於無度無度則小者偷
 惰大者侈靡各不知節也
 古曰春蒐夏苗秋獮冬狩皆于農隙以講

事也

古曰世治則助之行道世亂則獨治其身治之至也

古曰成敗之數有似呼吸吹之則寒噀之則溫

古曰功大者易危而民敝者怨上

齊仲孫曰國將亡本必先顛而後枝葉從

之古曰世治則助之行道世亂則獨治其身

子產有疾謂子太叔曰我死子必為政唯

有德者能以寬服民其次莫如猛夫火烈

民望而畏之故鮮死焉水懦弱民狎而翫

之則多死焉故寬難仲尼曰善哉政寬則

民慢慢則糾之以猛猛則以濟寬政是以

和而曰來

問政

子路曰衛君待子為政子將奚先子曰必

正名乎子路曰有是哉子之迂也奚其正

子曰野也由也君子於其所不知蓋闕如

也名不正則言不順言不順則事不成事不成則禮樂不興禮樂不興則刑罰不中刑罰不中則民無所措手足故君子名之必可言言之必可行也君子於其言無所苟而已矣

季康子問政孔子對曰政者正也子帥以正孰敢不正

季康子問曰如殺無道以就有道何如孔子對曰子爲政焉用殺子欲善民善矣君

子之德風小人之德草草上之風必偃

子張問政子曰居之無倦行之以忠

子貢問政子曰足食足兵民信之矣子貢

曰必不得已而去於斯三者何先曰去兵

子貢曰必不得已而去於斯二者何先曰

去食自古皆有死民無信不立

仲弓爲季氏宰問政子曰先有司赦小過

舉賢才曰焉知賢才而舉之曰舉爾所知

爾所不知人其舍諸子曰無然也

子夏爲莒父宰問政子曰無欲速無見小利欲速則不達見小利則大事不成子張問於孔子曰何如斯可以從政矣子曰尊五美屏四惡斯可以從政矣子張曰何謂五美子曰君子惠而不費勞而不怨欲而不貪泰而不驕威而不猛子張曰何謂惠而不費子曰因民之所利而利之斯不亦惠而不費乎擇可勞而勞之又誰怨欲仁而得仁又焉貪君子無衆寡無小大

無敢慢斯不亦泰而不驕乎君子正其衣冠尊其瞻視儼然望而畏之斯不亦威而不猛乎子張曰何謂四惡子曰不教而殺謂之虐不戒視成謂之暴慢令致期謂之賊猶之與人也出納之吝謂之有司子思曰顧有惠百姓之心則莫如一切除非法之事毀不居之室以賜窮民奪嬖寵之祿以賑困匱無令人有悲怨而後世有問見抑亦可

古曰文武欲作克舜而至焉昔我先君夫
 子欲作文武而至焉作之不變習與體成
 則自然矣
 卻成子曰吾聞之非德莫如勤非勤何以
 求人能勤有繼其從之也詩曰文王既勤
 止之人所刺譏皆中諸侯之疾也

古曰有國家者土地雖固而不能自強於
 治則日危月削如火消以至滅亡而莫覺

也

夫施厚者報美怨大者禍深慎之慎之

富辰曰報者倦矣施者未厭

往昔揚駁自知素無美望欲普進封爵以

求媚於衆君子慎哉

夫平者聖人之所貴然或以賄賂而結平

或以附夷狄而得平或以侵犯大國急平

則皆罪也

古人曰善治水者就下之外無它策也

古曰君將綱民於軌物者也故講事以度
 軌量謂之軌取材以章物采謂之物不軌
 不物謂之亂政亂政亟行所以敗也
 叔仲惠伯曰兵作於內為亂於外為寇
 古曰枝大者披心尾大者不掉有國有家
 之所慎也
 季康子患盜問於孔子孔子對曰苟子之
 不欲雖賞之不竊
 世稱一兔走街萬人逐之一人獲之貪者

悉止分定故也

古曰立傳

古曰立傳之道六王曰六者何也周紹曰
 知慮不躁達於變身行寬惠達於禮威嚴
 不足以易於位重利不足以變其心恭於
 教而不快和於下而不危六者傳之才也

招賢

郭隗曰帝者與師處王者與友處霸者與
 臣處亡國與役處誑指而事之北面而受

覺則百已者至先趨而後息先問而後默
 則什已者至人趨則若已者至憑几據杖
 眄視指使則厮役之人至若恣睢奮擊呵
 藉叱咄則徒隸之人至矣此服道致士之
 法也

賞罰

古曰夫賞罰者所以懲惡勸善
 古曰天下至大萬事至衆是以聖王執要
 於已委務於下非憚勞而好逸誠以政體

宜然也夫居事始以別能否甚難也因成
 敗以分功罪甚易也今陛下精於造始而
 畧於考終此政功所以未善人主誠能居
 易執要考功罪于成敗之後群下無所逃
 其誅賞矣
 岳母常誚責岳曰汝當知足而乾沒不已
 乎及敗謝母曰負阿母遂皆族誅
 子貢贖人而辭不取金孔子曰賜失之矣
 自今以來魯人不贖矣子路拯溺者其人

拜之以牛，子路受之。孔子曰：魯人必拯溺矣。荀子曰：孔子曰：人有大惡者五，而盜竊不與焉。一曰心逆，而險；二曰行辟，而堅；三曰言偽，而辨；四曰記醜，而博；五曰順非，而澤。此五者，有一於人，則不免於君子之誅。孔子曰：季子之德至矣，使人闇行，若有嚴刑在其側者。古曰：賞所愛，而罰所惡，明主則不然，賞必

加於有功，刑必斷於有罪。馬援曰：人當多功而賞薄。子曰：君子不以言舉人，不以人廢言。古曰：枳棘之林，無梁柱之質；涓流之水，無洪波之勢。夫有厚德，無問其小節；而有小譽，無疵其小過。古曰：夫春樹桃李，夏得陰；其下秋得陰；其

實春樹蒺藜夏不可採其葉秋得其刺焉
由此觀之在所樹也

古曰有大畧者不可責以捷巧有小智者
不可任以大功

又曰夫夏后氏之璜不能無考明月之珠
不能無類然天下寶之者何也其小惡不

足妨大美也莫志人之所短而莫忘人之
所脩

又曰顏喙聚梁父之大盜也而為齊忠臣

段干木晉國之大駟也而為文公師孟卯

妻其嫂有五子焉然而相魏寧其危解其

患景陽淫酒被髮而御於婦人而威服諸

侯此四人者皆有所短然功名不減者其

畧得也

子高曰大姦之人以泣自信婦人懦夫以

泣著愛

古曰安民之本在於擇交擇交而得則民

安擇交不得則民終身不安

子思曰雞鳴爲言滋滋以至夜半而不欲
 人之知恐人之譽已非虛則愚也
 古曰君子不求備於一人孔子門徒大數
 三千其見異者七十二人至于子張子路
 子貢等七十之徒亞聖之德然猶各有所
 短師辟由嘯賜不受命豈况下此而無所
 闕且仲尼不以數子之不備而引以爲友
 不以人所短弃其所長也

仁義

夫仁義者天下之道也而其所以行之之
 本則在吾心故擴吾心而充之則仁覆天
 下
 古曰慈愛之心內外遠近無所不至之謂
 仁爲其所當爲而不爲其所不當爲之謂
 義
 孟子曰仁人心也義人路也舍其路而弗
 由放其心而不知求哀哉人有雞犬放則
 知求之有放心而不知求學問之道無他

求其放心而已矣

孟子曰以力假仁者霸霸必有大大國以德
行仁者王王不待大湯以七十里文王以
百里以力服人者非心服也力不膽也以
德服人者中心悅而誠服也如七十子之
服孔子也詩曰自西自東自南自北無思
不服此之謂也

古曰君子誠仁施亦仁不施亦仁小人誠
不仁施亦不仁不施亦不仁善之由我與

其由人也

管仲曰以德予人者謂之仁以財予人者
謂之良以善勝人者未有能服人者也以
善養人者未有不_レ服人者也
古曰非禮之禮非義之義大人弗爲
君子曰仁而不_レ武則無能達也

禮讓

禮曰凡爲人子之禮冬温而夏清昏定而
晨省在醜夷不_レ爭

夫為人子者三賜不及車馬故列閭鄉黨稱其孝也兄弟親戚稱其慈也僚友稱其弟也執友稱其仁也交遊稱其信也見父之執不謂之進不敢進不謂之退不敢退不問不敢對此孝子之行也

周公制周禮曰則以觀德德以處事事以度功功以食民作誓命曰毀則為賊掩賊為藏竊賄為盜盜器為姦

周公恭儉而知時冠雖敝禮加頭履雖鮮

位在足
夫為人子者出必告反必面所遊必有常所習必有業恒言不稱老年長以倍則父事之十年以長則兄事之五年以長則肩隨之群居五人則長者必異席為人子者居不至奧坐不中席行不中道立不中門

闕黨童子將命或問之曰益者與子曰吾見其居於位也見其與先生並行也非求益者也欲速成者不登高不臨深不苟訾不苟笑孝子不服闇不登危懼辱親也父母存不許友以死不有私財為人子者父母存冠衣不純素幼子常視母誑從長者而上丘陵則必嚮長者所視登城

不指城上不呼禮曰君子抱孫不抱子此言孫可以為王父尸子不可以為君子者大夫士見之則下之君知所以為尸者則自下之尸必式乘必以几居喪之禮頭有瘡則沐身有瘍則浴有疾則飲酒食肉疾止復初不勝喪乃比於不慈不孝父之讎弗與共戴天兄弟之讎不反兵交

遊之讎不同國介介則則有不可犯之色故君子戒慎不失色於人

景公曰禮其可以治乎晏子曰禮於政與天地並此未有以惡於禮

顏淵問仁子曰克己復禮為仁一日克己復禮則天下歸仁焉為仁由己由人乎哉顏淵曰請問其目子曰非禮勿視非禮勿聽非禮勿言非禮勿動顏淵曰回雖不敏

請事斯語矣

忠信

古曰有大忠者有次忠者有下忠者有國賊者以道覆君而化之是謂大忠也以德調君而輔之是謂次忠也以諫非而怨之是謂下忠也不恤乎公道之違義偷合苟同以持祿養者是謂國賊也若周公之於成王可謂大忠也管仲之於桓公可謂次忠也子胥之於夫差可謂下忠也曹觸龍

之於紂可謂國賊也。古曰君能制命為義，臣能承命為信。信載義而行之，為利謀不失利，以衛社稷，民之主也。義無二信，信無二命也。卻至曰：人所以立信，智勇也。信不叛君，知不害民，勇不作亂。管仲曰：子父不奸之謂禮，守命共時之謂信。違此二者，姦莫大焉。列子曰：夫至信之人，可以感物也，動天地。

感鬼神，橫六合而無逆者，豈但履危險，入水火而已哉。越姬曰：信者不負其心，義者不虛設其事。何夔曰：天之所助者，順人之所助者，信術無信，順之實而望天人之助，此不可得志於天下。古曰：忠孝信義，人之根本也，不可不厚。廉介細直士之浮飾，不足為務也。古曰：勁松彰於歲寒，貞臣見於國危。

子曰知及之仁不能守之雖得之必失之
 知及之仁能守之不莊以涖之則民不敬
 知及之仁能守之莊以涖之動之不禮
 未善也
 樊遲問知子曰務民之義敬鬼神而遠之
 可謂知矣
 智者離路而得道愚者守道而失路智者
 不為小利移目不為意以改步又曰智過

萬人者謂之英千人者謂之俊百人者謂
 之豪十人者謂之傑
 子路曰君子尚勇乎子曰君子義以為上
 君子有勇而無義為亂小人有勇而無義
 為盜
 太祖常戒曰為將當有怯弱時不可俱特
 勇將當以勇為本行之以智計
 古曰介人之寵非勇也損怨益仇非知也
 以私害公非忠也

晉襄公縛秦囚使萊駒以戈斬之囚呼萊駒失戈狼暉取戈以斬囚禽之以從公乘遂以爲右箕之役先軫黜之而立續簡伯狼暉怒其友曰盍焚之暉曰吾未獲死所其友曰與女爲難暉曰周志有之勇則害上不登於明堂死而不義非勇也共用之謂勇吾以勇求右無勇而黜亦其所也謂上不我知黜而宣乃知我矣君子謂狼暉於是乎君子也詩曰君子如怒亂庶遄沮

又曰王赫斯怒爰整其旅
老子曰知而不知尚矣不知而知病也
文武

孔子曰有文事者必有武備有武事者必有文備
哀公問政子曰文武之政布在方策其人存則其政舉其人亡則其政息人道敏政地道敏樹夫政也者蒲蘆也
子魚曰武者可以進取文者可與守成

古曰治天下之大具有二文與武也用則先威用文先德威德足以相濟而後王道備矣
 古曰懷遠柔服非德不集克難平亂非兵不濟是以涿鹿阪泉三苗之野有五伐自古在昔未有不揚威以弭亂震武以止暴者也

通志曰命伊尹作樂曰大濩修九韶六律

聞宮聲使人溫良而寬大聞商聲使人方廉而好義聞角聲使人惻隱而仁愛聞徵聲使人樂養而好施聞羽聲使人恭謹而好禮
 古曰耳不聽五聲之和為聾目不別五色之章為昧心不則德義之經為頑口不道忠信之言為囂
 孔子遭厄於陳蔡之間曰君子好樂為無驕也小人好樂為無懼也

程子曰教人未見意趣必不樂學欲且教
 之歌舞如古詩三百篇皆古人作之如關
 雎之類正家之始故用之鄉人用之邦國
 日使人聞之此等詩其言簡奧今人未易
 曉別欲作詩畧言教童子灑掃應對事長
 之節令朝夕歌之似當有助
 古者祖有功而宗有德制禮樂各有由歌
 者所以發德也舞者所以明功也
 射御入身而求大國高士與人



廣韻曰古者以射選賢射中者獲封爵故
 因謂之諸侯
 射儀曰射者進退周還必中禮內志正外
 體真然後持弓矢審固持弓矢審固然後
 可以言中此可以觀德行矣
 列子學射中矣請於關尹子尹子曰子知
 子之所以中者乎對曰弗知也尹子曰未
 可退而習之三年又以報關尹子尹子曰
 子知子之所以中者乎列子曰知之矣尹

子曰可矣守而勿失也

孟子曰仁者如射射者正己而後發發而不中不怨勝己者及求諸己而已

韓愈曰世有伯樂然後有千里馬千里馬常有而伯樂不常有故雖有名馬祇辱於奴隸人之手駢死於槽枥之間不以千里稱也馬之千里者一食或盡粟一石食馬者不知其能千里而食也是馬雖有千里之能食不飽力不足才美不外見且欲與

常馬等不可得安求其能千里也策之不能其道食之不能盡其材鳴之不能通其意執策而臨之曰天下無良馬嗚呼其真無馬耶其真不識馬耶書古文苑卷之四古曰御馬急轡數策者非千里之御也古曰夫載重而馬羸雖造父不能以致遠車輕馬良雖中工可使追速也又曰欲進遠路不宜釋騏驥將已篤疾不宜廢扁鵲也

昔帝舜巧於使民造父巧於使馬舜不窮其民力造父不窮其馬力是以舜無佚民造父無佚馬

書數

蓋文字者倉頡本鳥迹爲字取其孳乳相生故有六義用篆文燒書古文遂絕或曰大篆出周宣王史籀小篆出秦李斯及胡毋敬又曰古隸之書起於秦省篆爲隸以使文行劇務以明隸者篆之捷也或曰程

邈於雲陽增減

或曰秦人王次仲變倉頡舊文爲今隸文始皇奇而召之三徵不至秦檻車徵之次仲化爲大鳥飛去落三翻於山山有大翻小翻之名章子厚臨蘭亭一過蘓子瞻晒之謂從門入者終非家珍然古人學書者未有不從門入者人非生知豈能師心自用暗合古人哉但旣入門之後須參以變化耳蘇公

一生病痛亦政坐此往與屠緯真黃白仲
 縱談及此余謂凡學古者其入門須用古
 人之法度而其究竟須運自已之手神不
 獨書也二君深以為然
 大凡學古人書當觀真蹟方得其運筆之
 一二墨帖無為也

古曰數起於一而成於九九陽數也故曰
 九天九霄九垓九垓九閼九有九野九關
 九氣九位九域之類非必實有九也猶号

物之數謂之萬耳聖人則之分地為九州
 別人為九族序官為九流九卿九府天子
 門曰九重亦取九垓之義也

或曰天去地九萬里天體徑三十五萬七
 千里此亦臆度之詞耳

蓋自古及今未有二百年不亂者至於水
 旱頻仍恐無十年無災之國耳

古曰十者盈數也天道十年則亦周矣人
 事十年則亦變矣故易稱守貞者十年而

必反

經書曰食三十六去之千有餘歲而精曆
算者所能攻其行有常度矣

古者三年耕餘一年之食九年耕餘三年
之食故鄭子產曰民事不可緩也詩云晝

爾于茅宵爾索綯亟乘屋其始播百穀如

此則民人之數合哉

仕官

古曰懷其寶而迷其國者不可與語仁窘

其身而約其親者不可與語孝

任重道遠者不擇地而息家貧親老者不

擇官而仕

子路曰不仕無義長幼之節不可廢也君

臣之義如之何其廢之欲潔其身而亂大

倫君子之仕也行其義也

陳子曰古之君子何如則仕孟子曰所就

三所去三迎之致敬以有禮言將行其言

也則就之禮貌未衰言弗行則去之其次

雖未行其言也迎之致敬以有禮則就之
禮貌衰則去之其下朝不食饑餓不能出
門戶君聞之曰吾大者不能行其道又不
能從其言也使饑餓於我土地吾耻之周
之亦可受也免死而已矣

諸士

子貢問曰何如斯可謂之士矣子曰行己
有耻使於四方不辱君命可謂士矣
子曰士而懷居不足為士矣

曾子曰士不可以不弘毅任重而道遠仁
以為己任不亦重乎死而後已不亦遠乎
古曰人所志不同庸鄙之士志於利己智
術之士志於成事節義之士志於成己聖
賢之徒其所志不唯成己亦能成物
古曰壯士不死即已死則舉大名耳王侯
將相寧有種乎
古之烈士見危授命投節如歸非不憂死
也因知命之不長懼不得其所也

古曰心治則百節皆安心擾則百節皆亂
古曰士庶勝侍有限口食不充多男多累
帝堯已慮之矣

古曰丈夫

孟子曰居天下之廣居立天下之正位行
天下之大道得志與民由之不得志獨行
其道富貴不能淫貧賤不能移威武不能
屈此之謂大丈夫
愿之言曰人之稱大丈夫者我知之矣利

澤施于人名色昭于時坐于廟堂進退百
官而佐天子出令其在在外則樹旗旌羅弓
矢武夫前呵從者塞塗供給之人各執其
物夾道而疾馳喜有賞怒有刑才俊滿前
道古今而譽盛德入耳而不煩曲眉豐頰
清聲而便體秀外而惠中飄輕裾翳長袖
粉白黛綠者列屋而闌居妬寵而負恃爭
妍而取憐大丈夫之遇知於天子用力於
當世者之所為也吾非惡此而逃之是有

命焉不可幸而致也窮居而野處升高而遠望坐茂樹以終日濯清泉以自潔採於山美可茹釣於水鮮可食起居無時惟適所安與其譽於前孰若無毀於其後與其樂於身孰若無憂於其心車服不維力鋸不加理亂不知黜陟不聞大丈夫不遇於時者所爲也我則行之

父子

公孫丑曰君子之不教子何也孟子曰勢

不行也教者必以正以正不行繼之以怒繼之以怒則反夷矣夫子教我以正夫子未出於正也則是父子相夷也父子相夷則惡矣古者易子而教之父子之間不責善責善則離離則不祥莫大焉古曰父子一體也夫婦一體也害於彼則傷於此也

蹇重曰有命之父母不知孝子有道之君不知忠臣也

夫婦

君子之道費而隱，夫婦之愚可以與知焉，及其至也雖聖人亦有所不知焉；夫婦之不肖可以能行焉，及其至也雖聖人亦有所不能焉。天地之大也，人猶有所憾。故君子語大天下莫能載焉，語小天下莫能破焉。詩曰：鸛鳴矣，天魚躍于淵，言其上下察也。君子之道造端乎夫婦，及其至察乎天地。

昆弟，親也。古曰：凡今之人，莫如兄弟。詩曰：兄弟鬩于牆，外禦其侮。如此則兄弟雖有小忿，不廢懿親也。古曰：人樂有賢父兄也。仁人於兄弟不藏怒焉，不宿怨焉，親愛之而已矣。象憂亦憂，象喜亦喜，恩掩義也。孔子曰：吾有四友焉，自吾得回也，門人加

親是非昏附乎自吾得賜也遠方之士曰
至是非奔轅乎自吾得師也前有光後有
輝是非先後乎自吾得由也惡言不至於
門是非禦侮乎
子貢問友子曰忠告而善道之不可則止
無自辱也

孟子曰責善朋友道也父子責善賊恩之
大者
江乙曰以財交者財盡而交絕以色交者

華落而愛渝

古人曰君子之交淡若水小人之交甘若

醴

古曰交淺而言深是忠也

曾子曰君子以文會友以友輔仁

賈子曰貪夫徇財烈士徇名奢者死推衆

庶憑生同明相照同類相求雲從龍風從

虎聖人作而萬物覩

中興名說

申繻曰名有五有信有義有象有假有類
 以名生為信以德命為義以類命為象取
 於物為假取於父為類不以國不以官不
 以山川不以隱疾不以畜牲不以器幣

智壽

哀公問孔子曰有智壽乎孔子曰然有三
 死而非命也者自取之也居處不理飲食
 不節勞過者病共殺之居下而好干上嗜
 慾無厭求索不止者刑共殺之少以敵衆

弱以侮強忿不量力者兵共殺之故有三
 死而非命者自取之也

說難

韓非曰凡說之難在知所說之心可以吾
 說當之所說出於為名高者也而說之以
 厚利則見下節而遇卑賤必棄遠矣所說
 出於厚利者也而說之以名高則見無心
 而遠事情必不収矣所說實為厚利而顯
 為名高者也而說之以名高則陽収其身

而實踈之若說之以厚利則陰用其言而顯棄其身此之不可不知也
 孔子行遊馬失食農夫之稼野人怒取馬而繫之子貢往說之卑辭而不能得也孔子曰夫以人之所不能聽說人譬如以大牢享野獸以九韶樂飛鳥予之罪也非彼人之過也乃使馬圉往說之至見野人曰子耕於東海至於西海吾馬之失安得不食子之苗野人大喜解馬而與之

問強

子路問強子曰南方之強與北方之強與抑而汝強與寬柔以教不報無道南方之強也君子居之衽金革死而不厭北方之強也強者居之故君子和而不流強哉矯中立而不倚強哉矯國有道不變塞強哉矯國無道至死不變強哉矯
 古曰兵強則滅木強則折革固則裂齒堅於舌而先之敝

隱士

中庸曰君子依乎中庸遊世不見知而不
 悔唯聖者能之不覺其然
 或曰不擇主仕譬猶以千鈞之弩潰癰
 淳于髡曰夫鳥同翼者而聚居獸同足者
 而俱行

古曰不聞大魚乎網不能止釣不能牽蕩
 而失水則螻蟻得意焉
 古曰晚食以當肉安步以當車無罪以當

貴

老子曰名與身孰親身與貨孰多得與亡
 孰病是故甚愛必大費多藏必厚亡知足
 不辱知止不殆可以長久

子思曰今以一人之身憂世之不治而泣
 涕不禁是憂河水之濁而泣清之其無益
 莫大焉
 士篤曰諺心苟無瑕何恤乎無家
 或人曰客人之館而謀其主因人之信已

而逞其詐利人之危而襲其國君子小人共謹焉

古曰士屈於不知己者而伸於知己者田子方曰貧賤者驕人耳夫諸侯而驕人則失其國大夫而驕人則失其家貧賤者志不合言不用則去之楚越若脫躡然奈何其同之哉

子曰素隱行怪後世有述焉吾不為之矣



寬政九丁巳三月

攝陽書林

京都書林

江都書林

心齋橋南壹丁目

敦賀屋九兵衛

六角通御幸丁西入

小川多左衛門

日本橋通三丁目

前川六左衛門

山下御門外山下丁

大和屋久兵衛

Handwritten notes at the bottom left of the page.

